



Broj: 02-04-78/25-AP-3

Datum: 28.03.2025. godine

Na osnovu člana 13. Poslovnika o radu Privrednog savjeta Općine Zavidovići, broj: 02-05-1818/17 -AP-12 od 30.06.2017. godine i broj: 02-04-29/21-AP-25 od 27.04.2021. god., na 2. sjednici Privrednog savjeta Grada Zavidovići, koja je održana 24.03.2025. godine u Velikoj sali zgrade Grada Zavidovići sa početkom u 15:30 sati, sastavljam

ZAPISNIK

Na sjednici Privrednog savjeta prisutni su: Ajdin Polić, Džeraldina Miličević, Alen Jusupović, Erna Merdić Smailhodžić, Adnan Turić, Mirela Bašić, Fehim Tuzlić, Ernad Ridžal, Enesa Bukvić, Kasim Fazlić, Samir Šibonjić.

Ostali prisutni: Midhat Bajramović.

Na sjednici Privrednog savjeta nisu prisutni: Benjamin Mujanović, Sabahudin Horozović, Marcel Slišković, Amir Omerašević, Rasim Mrkonjić, Birnas Parić, Kasim Begić.

Zapisnik vodila tehnički sekretar: Aida Husić Mujanović.

Konstatuje se da je na sjednici prisutno 11 članova Privrednog savjeta od ukupno 18 članova.

Konstatuje se da je prisutan potreban broj članova Privrednog savjeta da bi se moglo punovažno raspravljati i odlučivati, kako je propisano članom 7. Poslovnika o radu Privrednog savjeta.

Predsjednica Privrednog savjeta Erna Merdić Smailhodžić predlaže sljedeći dnevni red:

- 1) Status zaključaka donesenih na sjednicama Privrednog savjeta Grada Zavidovići;
- 2) Prijedlog odluke o usvajanju Plana privremenog zauzimanja javnih površina za 2025. godinu (Izvjestilac: pomoćnik gradonačelnice – Izet Bašić);
- 3) Izvještaj o dodijeljenim sredstvima podsticaja u poljoprivredi u 2023. godini (Izvjestilac: pomoćnik gradonačelnice – Izet Bašić);
- 4) Izvještaj o dodijeljenim sredstvima poticaja u privredi za period 2021 – 2023 godina (Izvjestilac: pomoćnica gradonačelnice – Džeraldina Miličević);
- 5) Prijedlog budžeta Grada Zavidovići za 2025. godinu (Izvjestilac: pomoćnik gradonačelnice – Midhat Bajramović);
- 6) Akcioni plan realizacije Strategije integriranog razvoja Općine Zavidovići 2017 – 2026, za 2025. godinu sa trogodišnjim planskim periodom 2025 – 2027. godina (Izvjestilac: pomoćnica gradonačelnice – Džeraldina Miličević);
- 7) Prijedlog Plana kapitalnih investicija Grada Zavidovići revidiran za period 2025. – 2029. godina (Izvjestilac: pomoćnica gradonačelnice – Džeraldina Miličević);
- 8) Razno.

Dnevni red se stavlja na diskusiju i pozivaju se članovi Privrednog savjeta da predlože izmjene ili dopune predloženog dnevnog reda.

Dnevni red se usvaja jednoglasno bez izmjena i dopuna i prelazi se na rad po istom.

Ad.1. Status zaključaka donesenih na sjednicama Privrednog savjeta Grada Zavidovići;

Džeraldina Miličević: Ističe da se većina zaključaka realizovala, osim mjere BIZNIS+ i uvođenja besplatne telefonske linije. Međutim, mjera BIZNIS+ planira se za realizaciju u 2025. godini, kao i uvođenje besplatne telefonske linije koja je u proceduri, čeka se rješavanje od strane telekoma.

Zaključak: Informacija se prima k znanju.

Ad.2. Prijedlog odluke o usvajanju Plana privremenog zauzimanja javnih površina za 2025. godinu

Predsjednica Privrednog savjeta Erna Merdić Smailhodžić ističe da ova tačka uglavnom najviše zanima ugostitelje.

Džeraldina Miličević: I trgovce, jer se odnosi uglavnom na zauzimanje javnih površina od strane trgovačkih radnji, javne površine za prodaju uglja, voća i povrća i slično.

Mirela Bašić: Konstatuje da Plan izgleda identično kao i prošlogodišnji.

Džeraldina Miličević: Obzirom da Plan donosi Služba poljoprivrede ne može se tačno tvrditi, ali u suštini svake godine izgleda približno isto.

Erna Merdić Smailhodžić: U suštini to je standardna Odluka.

Zaključak: Privredni savjet prihvata Prijedlog odluke o usvajanju Plana privremenog zauzimanja javnih površina za 2025. godinu.

Zaključak je usvojen jednoglasno.

Ad.3. Izvještaj o dodijeljenim sredstvima podsticaja u poljoprivredi u 2023. godini

Predsjednica Privrednog savjeta Erna Merdić Smailhodžić navodi da se ovaj izvještaj odnosi na sredstva dodijeljena prošle godine i da je to značajno manje nego što je planirano, izvršeno 88.000 KM. Konstatuje da je ovo novi saziv Privrednog savjeta i da o tome nisu odlučivali.

Alen Jusupović: Postavlja pitanje da li bi se mogla uraditi analiza poljoprivrede, odnosno stočarstva, jer u trenutnom Registru poljoprivrednih gazdinstava ti podaci postoje ali su formalni. Predlaže da se to provede preko mjesnih zajednica, da se zna tačan broj stoke zbog prijava na različite pozive.

Džeraldina Miličević: Navodi da se slaže.

Erna Merdić Smailhodžić: Slaže se da je to potrebno, ali misli da to neće biti moguće u saradnji sa mjesnim zajednicama, obzirom na ranija iskustva sa prikupljanjem podataka.

Alen Jusupović: To je samo prijedlog, ne mora nužno ići preko mjesnih zajednica, samo je bitno to uraditi kako bi poticaji imali svoju suštinu. Predlaže da se uključi Služba za

poljoprivredu.

Džeraldina Miličević: Možda se može pokušati na način da se mjesne zajednice na neki način stimulišu za saradnju, i da se objavama na stranicama grada više informiše javnost o prikupljanju podataka.

Ernad Ridžal: Predlaže da jedna osoba bude zadužena za kontrolisanje stanja.

Džeraldina Miličević: Putem registra poljoprivrednih gazdinstava bi se mogli prikupljati podaci sa terena za postojeća gazdinstva, jer su dostupni brojevi telefona na koji se poljoprivrednici mogu kontaktirati.

Alen Jusupović: Slaže se, to može biti vodilja ka utvrđivanju tačnog stanja.

U diskusiji je učestvovala i Mirela Bašić.

Zaključak: Zadužuje se nadležna služba da u skladu sa bazom Registra poljoprivrednih gazdinstava provjeri koliki je stočni fond i zasijane površine, kako bi se mogli planirati poticaji u budućnosti.

Zaključak je usvojen jednoglasno.

Ad.4. Izvještaj o dodijeljenim sredstvima poticaja u privredi za period 2021 – 2023 godina

Džeraldina Miličević: Prikazan je trend, kako bi se vidjelo kretanje poticaja. Evidentan je trend rasta, naravno prvih godina je to bilo manje zbog nepovjerenja, ljudi su strahovali da ako dobiju sredstva da će biti dodatno oporezovani. Međutim, kasnije je došlo do rasta, dobrom dijelom, u jednom periodu, za rast je zaslužan bio i Klub za podršku poduzetništva žena koji je uticao na to da se puno više poduzetnika prijavi na poticaje.

Ajdin Polić: Hoće li biti 'HELP' ove godine, obzirom da 'DIASPORA' neće sigurno, da 'IMPAKT' neće vjerovatno.

Džeraldina Miličević: 'DIASPORA' program je bio u suradnji sa Mozaikom, a što se tiče USAID – ovog projekta 'DIASPORA INVEST' njega neće biti sigurno obzirom da su raskinuti ugovori za sve projekte. Što se tiče 'HELP' – a' oni taj program više nemaju, ali pokušava se pokrenuti nešto novo preko GIZ – a, čak su i nas kontaktirali obzirom na dobru saradnju koja je ostvarena i Gradonačelnica je uputila pismo podrške za tu inicijativu.

Ajdin Polić: Je li to ASB ponovo?

Džeraldina Miličević: Nije ASB, nego 'HELP'. Što se tiče ASB oni su još uvijek u suradnji sa LIR – om i s njima će biti ostvarena saradnje i ove godine. Što se tiče 'IMPAKT' programa još nije izvjesno šta će se dogoditi obzirom na njihovu unutrašnju organizaciju, ali otvoreni smo za saradnju.

Zaključak: Privredni savjet usvaja Izvještaj o dodijeljenim sredstvima poticaja u privredi za period 2021 – 2023 godina.

Zaključak usvojen jednoglasno.

Ad.5. Prijedlog budžeta Grada Zavidovići za 2025. godinu

Izvjestilac Midhat Bajramović u uvodnom obraćanju iznosi pojašnjenja i dodatne informacije po ovoj tački dnevnog reda. Navodi da postoji par značajnijih stavki u budžetu, od kojih bi izdvojio sredstva za potencijalnu kupovinu Krivajine 'Vile' ako se za to ukaže potreba. Ističe da

su postupanjem po Kantonalnom i Federalnom Zakonu o građenju, usljed većeg broja izdavanja građevinskih dozvola za stambene objekte, te prikupljanja rente i KGZ – a privučena dodatna sredstva koja su previđena za utrošak u određene namjene a između ostalog i potencijalnu kupovinu Krivajine 'Vile'.

Erna Merdić Smailhodžić: Što se tiče Privrednog savjeta, najvažnije su stavke vezane za privredu za koju je izdvojeno 150.000 KM. Što se tiče poljoprivrede izdvojena sredstva nisu nikada bila veća i iznose 200.000 KM.

Također ističe da je novost da su sportskim kolektivima i udruženjima planirana ukupna sredstva a ne pojedinačno po svakom klubu ili udruženju kao do sada. Sredstva će se dodjeljivati po Javnom pozivu, jer smatra da se kolektivi trebaju takmičiti u projektima.

Džeraldina Miličević: Ove godine planirano je uvođenje koncepta participativnog budžetiranja koje nije do sada primjenjivano, možda u par općina. Predviđeno je da se određena stavka u budžetu opredijeli za projekte građana i o tome odlučuju građani. Objavljuje se Javni poziv za dostavljanje prijedloga i nakon toga se glasa za projekte. Obzirom da je ovo 'testni' projekat opredijeljeno je 20.000 KM u budžetu za ovu svrhu.

Ajdin Polić: Iz kojih sredstava se finansiraju projekti?

Džeraldina Miličević: Iz sredstava namijenjenih za ekologiju.

Ajdin Polić: To će biti projekti vezani za ekologiju?

Džeraldina Miličević: Da.

Zaključak: Privredni savjet prihvata Prijedlog budžeta Grada Zavidovići za 2025. godinu.

Zaključak je usvojen jednoglasno.

Ad.6. Akcioni plan realizacije Strategije integriranog razvoja Općine Zavidovići 2017 – 2026, za 2025. godinu sa trogodišnjim planskim periodom 2025 – 2027. godina

Džeraldina Miličević: Akcioni plan će biti revidiran, obzirom da se u njega uključuju samo projekti za koje se zna da će se realizovati sigurno. Međutim, na inicijativu gradonačelnice uključiti će se i neki projekti koji su planirani a za koje je izgledno da će se realizovati.

Erna Merdić Smailhodžić: Radi se o velikom dječijem parku, vanjsko uređenje gradske uprave, trg koji će se realizovati u dvije faze, IT Hub, Gradska sportska dvorana i drugi. To su neki projekti koji će biti dodani u Akcioni plan, pored toga planiran je kompletan završetak primarnog voda Pašin Konak, pored toga planirani su i drugi projekti kao što su održavanje cesta i mnogi drugi.

Kasim Fazlić: Šta je sa cestama, naprimjer cesta na 2. kilometru?

Erna Merdić Smailhodžić: To je magistralna cesta, u nadležnosti Cesta Federacije BiH. Predviđeno je da oni rade, u 2026. godini, trotorare u Krivaji i Kovačima, te most na 4. kilometru uz rijeku Krivaju, most na ulazu u Grad i most na 2. kilometru uz rješenje raskrsnice. Također, u 2026. godini će se realizovati izgradnja nove zgrade Suda.

Mirela Bašić: Nadam se da će se realizovati sud.

Erna Merdić Smailhodžić: Hoće, oni su već izrazili interes i ranije i tražili lokaciju u Zavidovićima. Trebalo je biti realizovano i ove godine, međutim nije na vrijeme dostavljena dokumentacija, ali u svakom slučaju 2026. godine će se započeti.

Zaključak: Privredni savjet prihvata Akcioni plan realizacije Strategije integriranog razvoja Općine Zavidovići 2017 – 2026, za 2025. godinu sa trogodišnjim planskim periodom 2025 – 2027. godina.

Zaključak usvojen jednoglasno.

Ad.7. Prijedlog Plana kapitalnih investicija Grada Zavidovići revidiran za period 2025. – 2029. godina

Džeraldina Miličević: Plan kapitalnih investicija revidira se svake godine, svim mjesnim zajednicama, privrednim subjektima, nevladinim ustanovama dostave se obrasci za apliciranje projekata i na osnovu toga se formira Plan.

Erna Merdić Smailhodžić: Mjesne zajednice kandiduju projekte koji su im prioritetni, što se tiče puteva, sanacija i slično. Insistira se na tome da svake godine nijedna mjesna zajednica ne bude zapostavljena, odnosno da svi imaju određena sredstva na raspolaganju.

Ernad Ridžal: Kada je riječ o izradi same projektne dokumentacije, kako se vrši finansiranje?

Erna Merdić Smailhodžić: Zavisi od mjesne zajednice, jednim amandmanom je predviđeno da se jedan dio sredstava za mjesne zajednice odnosi na njihove redovne aktivnosti, a jedan dio za projekte. Zbog prethodnog iskustva, sazvane su mjesne zajednice i obavještene da prilikom prijedloga projekata moraju imati potpise svih članova savjeta mjesne zajednice da su saglasni. Što se tiče nekih većih projekata, njih je Grad preuzeo na sebe.

Ernad Ridžal: Dosta projekata nije predloženo zbog potrebe za izradom projektne dokumentacije. Možda da se odredi neki kriterij za dodjelu sredstava za korištenje projekata.

Erna Merdić Smailhodžić: Nismo imali donešen budžet, za bilo kakvo postupanje.

Džeraldina Miličević: Mjesne zajednice bi trebale tražiti saglasnost od Grada za projektne zadatke, kako bi se usaglasilo da je to moguće. Obzirom da su ranije projekti rađeni na starim katastarskim planovima, te su se javljali problemi prilikom realizacije. U raspravi su učestvovali Mirela Bašić i Samir Šibonjić.

Zaključak: Privredni savjet prihvata Prijedlog Plana kapitalnih investicija Grada Zavidovići revidiran za period 2025. – 2029. godina.

Zaključak se usvaja jednoglasno.

Ad.8. Razno;

Predsjednica privrednog savjeta otvara diskusiju po ovoj tački dnevnog reda.
U diskusiji učestvovao:


Samir Šibonjić: Konstatuje da je budžet najvažniji dokument, te da Zavidovići nisu još na stepenu na kojem trebaju biti. Budžet je više socijalni, nego razvojni ali trenutno je situacija takva da tako mora biti. Slaže se za projekte po prethodnoj tački, da je bitno da projektna dokumentacija bude uredna.

Podržava rad gradske uprave obzirom na stanje u privredi i poteškoće sa kojim se suočavaju.


Erna Merdić Smailhodžić: Zahvaljuje se ministru Šibonjiću na zalaganju za Zavidoviće.

Sjednica završena u 16:25 sati.

Zapisničar


Aida Husić Mujanović

ZAPISNIK OVJERAVA
PREDSJEDNICA PRIVREDNOG SAVJETA


mr. iur. Erna Merdić Smailhodžić

